



Comhairle Chontae na Gaillimhe
Galway County Council

Comhairle Chontae na Gaillimhe

Fodhlíthe *Dramhaíl Teaghlaigh agus Tráchtála a Leithlisiú, a Stóráil agus a Thabhairt i Láthair, 2019*



Teideal

Dréacht-Fhodhlíthe Chomhairle Chontae na Gaillimhe (Dramhaíl Teaghlaigh agus Tráchtála a Leithlisiú, a Stóráil agus a Thabhairt i Láthair), 2019

Bonn Reachtúil an Fhodhlí

Déanann Comhairle Chontae na Gaillimhe, de bhun Alt 35(1) den Acht um Bainistiú Dramhaíola, 1996 agus Alt 199(1) agus (2) den Acht Rialtais Áitiúil, 2001 agus de réir Chuid 19 den Acht Rialtais Áitiúil, 2001, leis seo, na fodhlíthe seo a leanas:

Lua

Féadfar Fodhlíthe Chomhairle Chontae na Gaillimhe (Dramhaíl Teaghlaigh agus Tráchtála a Leithlisiú, a Stóráil agus a Thabhairt i Láthair), 2019 a ghairm de na fodhlíthe seo

Dáta Tosach Feidhme

Tiocfaidh na fodhlíthe seo i bhfeidhm an 1ú de Samhain 2019.

Limistéar geografach feidhme

Beidh feidhm ag na fodhlíthe seo maidir le limistéar feidhme Chomhairle Chontae na Gaillimhe.

Cúlghairm

Cúlghairtear leis na fodhlíthe seo Fodhlíthe um Bainistiú Dramhaíola 2011 Chomhairle Chontae na Gaillimhe.

Raon an Fhodhlí seo: Cineálacha Dramhaíola agus Gníomhaíochtaí Rialaithe

Mura gcuirtear a mhalairt in iúl sna fodhlíthe seo, tá feidhm ag na fodhlíthe seo a leanas maidir le dramhaíl teaghlaigh agus dramhaíl tráchtála araon.

1. Léiriú agus Mínithe

Sna fodhlíthe seo, tá na bríonna seo a leanas leis na focail agus na frásaí seo:

*ciallaíonn “**coimeádán dramhaíola cuí**” coimeádán dramhaíola atá oiriúnach chun dramhaíl ar cholbha an chosáin a bhailiú agus is gabhdán a chomhlíonann na caighdeáin maidir le coimeádáin dramhaíola soghluaiste (araidí rothaí) a shonraítear sa chaighdeán CEN dar teideal IS EN 840 (Codanna 1-6);*

*ciallaíonn “**duine údaraithe**” duine arna údarú ag Comhairle Chontae na Gaillimhe de réir Alt 204 den Acht Rialtais Áitiúil, 2001 nó comhalta den Gharda Síochána;*

*ciallaíonn “**bailitheoir dramhaíola údaraithe**” duine arna údarú de réir Alt 34 den Acht um Bainistiú Dramhaíola, lena n-áirítear aon rialacháin arna ndéanamh faoin Acht sin, chun an cineál dramhaíola a bheidh á bailiú a bhailiú;*

*ciallaíonn “**saoráid dramhaíola údaraithe**” saoráid aisghabhála dramhaíola nó saoráid diúscartha dramhaíola:*

(a) arna húdarú faoin Acht um Bainistiú Dramhaíola, faoin Acht fán nGníomhaireacht um Chaomhnú Comhshaoil,

faoi aon rialacháin a eascraíonn as ceachtar de na hAchtanna sin nó faoi rialacháin

arna ndéanamh faoi Acht na gComhphobal Eorpach, 1972 a bhaineann le gníomhaíochtaí bainistithe dramhaíola a rialú; agus

(b) i gcás go gceadaítear le húdarú na saoráide sin an dramhaíl dá dtagraítear sa chuid áirithe de na fodhlíthe seo a ghlacadh;

ciallaíonn **“bithdhrámaí”** drámaí ghairdín agus pháirce in-bhithdhíghrádaithe, drámaí bia agus cistine ó thithe, ó bhialanna, ó lónadóirí agus ó áitribh mhiondiola agus drámaí inchomparáide ó mhonarchana próiseála bia;

ciallaíonn **“saoráid ‘fág anseo’** saoráid drámaíola údaraithe arb éard í gabhdán saintógtha amháin nó níos mó ina bhféadfaidh daoine den phobal drámaí teaghlaigh inathchúrsála leithlisithe a thaisceadh chun an drámaí sin a aisghabháil;

ciallóidh **“drámaí tráchtála ar cholbha an chosáin”** drámaí tráchtála is drámaí ar cholbha an chosáin.

ciallaíonn **“drámaí tráchtála”** drámaí ó áitribh a úsáidtear go hiomlán nó go príomha chun críocha trádála nó gnó nó chun críocha spóirt, áineasa, oideachais nó siamsaíochta ach ní fholáíonn sé drámaí teaghlaigh, drámaí talmhaíochta nó drámaí tionscail;

ciallóidh **“lá bailiúcháin drámaíola ainmnithe”** an lá a ainmneoidh bailitheoir drámaíola údaraithe chun drámaí ar cholbha an chosáin a bhailiú, agus féadfar laethanta éagsúla a ainmniú le haghaidh drámaí tráchtála ar cholbha an chosáin agus drámaí teaghlaigh ar cholbha an chosáin;

is éard is **“limistéar bailiúcháin málaí ainmnithe”** ann limistéar arna ainmniú ag Comhairle Chontae na Gaillimhe de réir Airteagal 20 de na Rialacháin um Bainistiú Drámaíola (Cead Bailiúcháin), 2007 inar féidir drámaí a bhailiú i málaí ceadaithe* ach nach féidir sin a dhéanamh gan cead a bheith faighte roimh ré ó Chomhairle Chontae na Gaillimhe;* Ciallóidh málaí ceadaithe málaí a chuirfidh bailitheoir drámaíola ceadaithe ar fáil chun drámaí a choimeád agus atá ceadaithe ag Comhairle Chontae na Gaillimhe

ciallaíonn **“fógra íocaíochta seasta”** fógra dá bhforáiltear leis na fodhlíthe seo agus le hAlt 206 den Acht Rialtais Áitiúil, 2001 arna eisiúint chuig duine i leith sárú ar na fodhlíthe seo agus, mar mhalairt ar ionchúiseamh, lena gceanglaítear ar an duine sin íocaíocht sheasta a shonrófar a íoc faoi thráth sonraithe;

ciallaíonn **“drámhbhia”** is drámaí teaghlaigh nó, de réir mar a bheidh, drámaí tráchtála, agus beidh an bhrí chéanna leis agus an bhrí sin a bhaineann le Rialachán 7 de na Rialacháin um Bainistiú Drámaíola (Drámhbhia) 2009 (I.R. Uimh. 508 de 2009) nó, de réir mar a bheidh, le Rialachán 6 de Rialacháin an Aontais Eorpaigh (Drámhbhia Teaghlaigh agus Bithdhrámaí), (IR Uimh. 430 de 2015);

Rialacháin um Drámhbhia: féach **“reachtaíocht náisiúnta maidir le drámhbhia”**;

ciallaíonn **“sealbhóir”** an táirgeoir drámaíola nó an duine a bhfuil an drámaí ina sheilbh nó ina seilbh agus léireofar **“sealbhóir drámaíola tráchtála”** agus **“sealbhóir drámaíola teaghlaigh”** dá réir sin;

ciallaíonn **“drámaí teaghlaigh ar cholbha an chosáin”** drámaí teaghlaigh is drámaí ar cholbha an chosáin.

ciallaíonn **“drámaí teaghlaigh”** drámaí arna táirgeadh laistigh de chúirtealáiste foirgnimh nó an chuid lánscairthe d’fhoirgneamh a úsáidtear mar chóiríocht chónaithe;

ciallaíonn **“drámaí ar cholbha an chosáin”** an chuid sin den drámaí tráchtála nó drámaí teaghlaigh a thabharfar i láthair lena bailiú ó áitreabh agus atá le bailiú ag bailitheoir údaraithe drámaíola, seachas drámhuisce, drámaí foirgníochta agus scartála agus drámaí toirtiúil is oiriúnaí lena bailiú i scib nó i ngabhdán eile den sórt sin (lena n-áirítear drámaí trom ar nós drámaí troscán, cairpéid agus spallaí), mar aon le drámaí ghuaiseach agus sreafaí eile drámaíola teaghlaigh nó tráchtála is gá a bhailiú ar mhodh cuí eile, ar nós drámhthrealamh leictreach agus leictreonach agus taisc-chealla drámaíola;

ciallaíonn **“reachtaíocht náisiúnta maidir le drámhbhia”** Na Rialacháin um Bainistiú Drámaíola (Drámhbhia), 2009 (I.R. Uimh. 508 de 2009) agus Rialacháin an Aontais Eorpaigh (Drámhbhia Teaghlaigh agus Bithdhrámaí), 2015 (I.R. 430 de 2015);

foláíonn **“áititheoir”**, i ndáil le haon áitreabh, an t-úinéir, léasaí, aon duine ata i dteideal an t-áitreabh a áitiú agus aon duine eile a bhfuil an t-áitreabh faoin rialú de thuras na huaire;

folóidh **“duine”**, chun críocha na bhfodhlíthe seo, pearsa aonair, comhlacht (cibé acu teoranta, corpraithe nó nach ea), comhpháirtíocht, comharchumann nó comhlacht eile den tsamhail sin de réir an mhíneithe san Acht Léiriúcháin, 2005;

ciallaíonn **“dramhaíl teaghlaigh inathchúrsála ar chobhla an chosáin”** an chuid den dramhaíl teaghlaigh ar chobhla an chosáin atá comhdhéanta de dhramhaíl teaghlaigh inathchúrsála

ciallaíonn **“dramhaíl teaghlaigh iarmharach ar cholbha an chosáin”** an chuid den dramhaíl teaghlaigh ar cholbha an chosáin a bheidh fágtha tar éis an dramhaíl sin a scaradh ó na codanna seo a leanas:

- (a) dramhaíl teaghlaigh inathchúrsála ar cholbha an chosáin,
- (b) dramhbhíia agus dramhaíl ghairdín in-bhithdhíghrádaithe.

Mura gcuirtear a mhalairt in iúl, chun amhras a sheachaint agus de réir Alt 19 den Acht Léiriúcháin, 2005, tá feidhm ag na míneithe san Acht um Bainistiú Dramhaíola, 1996 maidir leis na fodhlíthe seo, lena n-áirítear maidir leis na téarmaí seo a leanas:

“saoráid”, “diúscairt”, “dramhaíl ghuaiseach”, “áitreabh”, “aisghabháil”, “athchúrsáil”, “bailiúchán ar leithligh”, “dramhaíl”, “táirgeoir dramhaíola”.

I gcás inar gá sin, beidh feidhm ag an Acht Léiriúcháin, 2005 maidir le haon fhoráil de na fodhlíthe seo a fhorléiriú.

2. Oibleagáid Páirt a Ghlacadh i Seirbhís Bailiúcháin Dramhaíola

(a) Faoi réir mhír (b), beidh Conradh an t-am ar fad ag sealbhóir dramhaíola le bailitheoir dramhaíola údaraithe chun dramhaíl ar chobhla an chosáin, a thagann ó áitribh ina bhfuil an dramhaíl á táirgeadh, a thabhairt chun bealaigh.

(b) Níl feidhm ag mír (a) i gcás, maidir leis an dramhaíl ar chobhla an chosáin sin:

(i) go dtaiscfear í i ngabhdán dramhaíola cuí arna sholáthar faoi chonradh ag bailitheoir dramhaíola údaraithe do dhuine eile chun an dramhaíl sin a bhainistiú agus go mbeidh toiliú tugtha ag an duine eile sin an dramhaíl sin a ghlacadh, nó (ii) go ndéanfaidh an sealbhóir í a sheachadadh go díreach go dtí saoráid dramhaíola údaraithe.

(c) Déanfar fianaise dhoiciméadach, mar admhálacha, ráitis nó cruthúnas eile ar íocaíocht, lena dtaispeánfar go bhfuil an Conradh faoina gceanglaítear

le mír (a) den bhfodhlí seo i bhfeidhm agus á choinneáil, a thabhairt ar aird do dhuine údaraithe laistigh de thréimhse ama a shonrófar in iarraidh i scríbhinn ón duine sin nó ó dhuine údaraithe eile a bheidh fostaithe ag Comhairle Chontae na Gaillimhe.

3. Coimeádáin Dramhaíola a Chothabháil agus a Bhainistiú

Déanfar coimeádáin a úsáidtear chun dramhaíl ar cholbha an chosáin a thabhairt i láthair a chothabháil i cibé riocht agus bailríocht ionas nach mbeidh an dramhaíl a chuirfeadh isteach ann ina cúis le nús ná bruscar. Ní dhéanfar dramhaíl a thabhairt i láthair i gcoimeádán:

(a) ar baineadh na rothaí nó an clúdach de nó a bhfuil damáiste déanta de na rothaí nó den chlúdach, nó (b) go bhfuil an oiread damáiste déanta den choimeádán a mhéid nach féidir an dramhaíl a choinneáil ann gan doirteadh as, nó a bheidh neamhoiriúnach ar shlí eile chun na críche dar dearadh é nó nach féidir a fholmhú go caoithiúil.

4. Ionad chun coimeádán a stóráil

Faoi réir fhodhlí 6, déanfar coimeádáin á úsáidtear chun dramhaíl ar cholbha an chosáin a thabhairt i láthair a shealbhú laistigh de chúirtealáiste an áitribh ina dtáirgtear an dramhaíl. Ní dhéanfar iad a stóráil ar bhóthar, cosán nó in aon áit phoiblí eile mura mbeidh an t-ionad údaraithe go sainráite i scríbhinn ag duine údaraithe.

5. Coimeádáin Dramhaíola a Úsáid ar Lá Bailiúcháin

(a) Faoi réir mhír (b), ní dhéanfar dramhaíl ar cholbha an chosáin a thabhairt i láthair lena bailiú ach amháin i gcoimeádán dramhaíola cuí. Ní bheidh barraíocht dramhaíola sa choimeádán agus beidh an clúdach dúnta go daingean. Ní dhéanfar aon dramhaíl a thabhairt i láthair ar bharr an chlúdaigh ná tadhlaigh leis an gcoimeádán dramhaíola.

(b) Ní bheidh feidhm ag mír (a) i gcás go mbailítear dramhaíl i málaí ceadaithe ó thithe arna n-ainmniú ag Comhairle Chontae na Gaillimhe le haghaidh bailiúcháin málaí.

(c) Déanfar málaí a úsáidtear chun dramhaíl a thabhairt i láthair a chothabháil i cibé bealach, riocht agus bailíocht ionas nach mbeidh an dramhaíl a chuirfear isteach ann ina cúis le núis ná bruscar.

6. Tráthanna Bailiúcháin agus Coimeádáin a Bhaint

Ní dhéanfar Dramhaíl Teaghlaigh ar cholbha an chosáin arna tabhairt i láthair lena bailiú a thabhairt i láthair lena bailiú tráth is luaithe ná 6.00 pm ar an lá díreach roimh an lá bailiúcháin dramhaíola ainmnithe.

Ní dhéanfar Dramhaíl Tráchtála ar cholbha an chosáin arna tabhairt i láthair lena bailiú a thabhairt i láthair lena bailiú tráth is luaithe ná 8.00 pm ar an lá díreach roimh an lá bailiúcháin dramhaíola ainmnithe.

Déanfar gach coimeádán a úsáidtear chun dramhaíl ar cholbha an chosáin a thabhairt i láthair agus aon dramhaíl neamhbhailithe a bhaint d'aon bhóthar, cosán nó aon áit phoiblí eile tráth nach déanaí ná 12.00 meán oíche ar an lá bailiúcháin sin.

7. Cineálacha Dramhaíola Toirmisce

(a) Ní dhéanfar dramhaíl a chuimsíonn dramhaíl ghuaiseach nó dramhthrealamh leictreach agus leictreonach a chur i gcoimeádán dramhaíola cuí a bheidh le bailiú ar cholbha an chosáin.

Ní dhéanfar dramhaíl a chuimsíonn dramhaíl ghuaiseach agus/nó dramhthrealamh leictreach agus leictreonach a thabhairt i láthair lena bailiú ar chobhla an chosáin ach ag suímh faoi leith agus ag amanna agus i gcibé bealach atá údaraithe go sainráite i scríbhinn ag Comhairle Chontae na Gaillimhe.

Ní dhéanfar dramhaíl a chuimsíonn buidéal agus crúscaí gloine a thabhairt i láthair lena bailiú ar chobhla an chosáin ach faoi chonradh ag bailitheoir dramhaíola údaraithe agus i gcoimeádán dramhaíola cuí atá coimeádta do bhuidéal agus do chrúscaí gloine agus sin amháin.

8. Dramhaíl ar Cholbha an Chosáin a Leithlisiú agus Éilliú a Chosc

(a) Déanfar dramhaíl ar cholbha an chosáin a leithlisiú mar dhramhaíl teaghlaigh iarmharach ar chobhla an chosáin, mar dhramhaíl inathchúrsála ar cholbha an chosáin agus, nuair is cuí, mar dhramhbhia agus dramhaíl ghairdín in-bhithdhíghrádaithe, agus déanfar na sruthanna sin a stóráil ar leithligh. Ní dhéanfar dramhaíl inathchúrsála den sórt sin a thaisceadh i gcoimeádán a bheidh ainmnithe le haghaidh dramhaíl teaghlaigh iarmharach ar cholbha an chosáin ná le haghaidh dramhbhia; ní dhéanfar dramhbhia ná dramhaíl ghairdín in-bhithdhíghrádaithe scartha a thaisceadh i gcoimeádán a bheidh

ainmnithe le haghaidh dramhail iarmharach ar cholbha an chosáin nó le haghaidh dramhail inathchúrsála ar cholbha an chosáin.

(b) Ní dhéanfar dramhail inathchúrsála ar cholbha an chosáin ná dramhbhia agus dramhail ghairdín in-bhithdhígrádaithe a éilliú le haon chineál dramhaíola eile sula ndéanfar í a leithlisiú ná dá éis sin.

9. Forálacha Breise do Shealbhóirí Dramhaíola nach mbaineann leas as Seirbhís Bhailiúcháin ar Cholbha an Chosáin

I gcás nach mbeidh áititheoir teaghaise páirteach i seirbhís bhailiúcháin dramhaíola ar cholbha an chosáin, cinnteoidh an duine sin:

- (a) Go ndéanfar dramhail inathchúrsála ar cholbha an chosáin, arna leithlisiú de réir fhodhlí 8, a thabhairt go dtí saoráid dramhaíola údaraithe agus go dtaiscfear í ansin ar mhodh lena gceadófar í a athchúrsáil nó a aisghabháil ar shlí eile,
- (b) Go ndéanfar dramhbhia agus dramhail ghairdín in-bhithdhígrádaithe, arna leithlisiú de réir fhodhlí 8, a thabhairt go dtí saoráid dramhaíola údaraithe agus go dtaiscfear í ansin ar mhodh lena gceadófar í a athchúrsáil nó a aisghabháil ar shlí eile.
- (c) go ndéanfar dramhail iarmharach ar cholbha an chosáin, arna leithlisiú de réir fhodhlí 8, a thabhairt go dtí saoráid dramhaíola údaraithe, agus
- (d) go ndéanfar doiciméadacht, lena n-áirítear admhálacha, a fháil agus a choinneáil ar feadh tréimhse nach giorra ná bliain amháin chun cruthúnas a sholáthar go ndearnadh aon dramhail a baineadh ón áitreabh a bhainistiú ar mhodh atá de réir na bhfodhlíthe seo, an Achta um Bainistiú Dramhaíola 1996 agus de réir na reachtaíochta náisiúnta maidir le dramhbhia agus bithdhramhail

Déanfar doiciméadacht a gceanglaítear leis an bhfodhlí seo í a fháil agus a choinneáil, nó cóipeanna den chéanna, a thabhairt ar aird do dhuine údaraithe laistigh de thréimhse ama a shonrófar in iarraidh i scríbhinn ón duine sin nó ó dhuine údaraithe eile a bheidh fostaithe ag Comhairle Chontae na Gaillimhe.

10. Forálacha a dhéanann dífead d'Fhoirgnimh Ilúsáideoirí, Bloic Árasáin, etc

Cinnteoidh cuideachta bhainisteoireachta, nó duine eile murab ann do chuideachta den sórt sin, a fheidhmíonn cumhacht agus maoirsiú ar ghníomhaíochtaí cónaitheacha agus/nó tráchtála i bhforbairtí ilaonad, i bhforbairtí ilchineálacha, in árasáin nó bloic árasáin, i spásanna cónaithe/oibre comhcheangailte nó ionaid eile den tsamhail sin:

- (a) go ndéanfar líon leordhóthanach gabhdán de mhéid leordhóthanacha sholáthar chun dramhail inathchúrsála ar cholbha an chosáin, dramhbhia agus dramhail ghairdín in-bhithdhígrádaithe agus dramhail iarmharach ar cholbha an chosáin a leithlisiú, a stóráil agus a bhailiú go cuí,
- (b) go ndéanfar na gabhdáin dá dtagraítear i mír (a) a shuíomh ag an áit ina ndéantar dramhail a stóráil sula mbaileofar í araon,
- (c) go mbeidh aon áit ina mbeidh dramhail le stóráil sula mbaileofar í slán, inrochtana gach tráth ag tionóntaí agus áititheoirí eile agus nach mbeidh sí inrochtana ag aon duine eile ach bailitheoir dramhaíola údaraithe,
- (d) go ndéanfar faisnéis i scríbhinn a sholáthar do gach tionónta nó áititheoir eile faoi na socruithe le haghaidh dramhail a scaradh, a leithlisiú, a stóráil agus a thabhairt i láthair sula mbaileofar í,
- (e) go ndéanfar bailitheoir dramhaíola údaraithe a fhostú chun na gabhdáin dá dtagraítear san alt seo de na fodhlíthe seo a sheirbhísiú, agus go ndéanfar fianaise dhoiciméadach, ar nós admhálacha, ráitis nó cruthúnas eile ar íocaíocht a choinneáil ar feadh tréimhse nach giorra ná dhá bhliain, lena dtaispeánfar go ndearnadh an fostú sin. Tabharfar fianaise den sórt sin ar aird do dhuine

- údaraithe laistigh de thráth a shonrófar in iarraidh i scríbhinn ón duine sin nó ó dhuine údaraithe eile a bheidh fostaithe ag Comhairle Chontae na Gaillimhe,
- (f) go ndéanfar gabhdáin le haghaidh dramhaíl ar cholbha an chosáin a thabhairt i láthair ar an lá bailiúcháin dramhaíola ainmnithe,
- (g) go ndéanfar bealach leordhóthanach isteach san áitreabh agus amach as an áitreabh ag feithiclí bailiúcháin dramhaíola a chothabháil.

11. Bac a Chur ar Bhailiúchán Dramhaíola Ordúil

Ní dhéanfar, go toiliúil, bac a chur ar fhostaithe de chuid bailitheora dramhaíola údaraithe nó de chuid Chomhairle Chontae na Gaillimhe a bheidh ag gabháil do dhramhaíl a bhaint ná ní chuirfear isteach orthu ná ní dhéanfar moill a chur orthu ná cur isteach orthu ar shlí eile fad a bheidh siad ag gabháil do dhramhaíl a bhailiú.

Mura mbeidh na gníomhaíochtaí seo a leanas faoi réir a gceadaithe ag an mbailitheoir dramhaíola údaraithe a bheidh freagrach as an gcoimeádán, ní dhéanfar micrishlis a bheidh greamaithe de choimeádán dramhaíola cuí nó aon mharc aitheantais, suaitheantas, lipéad, clib, díosca nó rud eile a bheidh greamaithe den choimeádán nó de mhála bruscair nó de choimeádán eile, nach mbeidh a thréimhse nó a tréimhse feidhme istigh, a bhaint, a dhamáistiú, a dhíothú ná ní bhainfear dó ná di ná ní dhéanfar é nó í a dhéanamh neamhoibríoch ar shlí eile.

(c) Maidir le dramhaíl arna stóráil nó arna tabhairt i láthair chun í a bhailiú:

- (i) ní dhéanfar í a fhorlíonadh le dramhaíl arna cur léi ag duine eile mura mbeidh an duine sin údaraithe chun déanamh amhlaidh ag an duine a bheidh á stóráil nó, de réir mar a bheidh, a bheidh ag tabhairt an choimeádáin dramhaíola i láthair lena bailiú
- (ii) ní chuirfidh duine eile isteach uirthi ar shlí eile.

Ní dhéanfaidh aon duine ach fostaí de chuid bailitheora dramhaíola údaraithe nó de chuid údaráis áitiúil dramhaíl a thaisceadh i bhfeithicil bailiúcháin dramhaíola

12. Forálacha breise maidir le Dramhaíl Tráchtála

Ní dhéanfar dramhaíl tráchtála a thaisceadh ag aon saoráid 'fág anseo' arna soláthar ag Comhairle Chontae na Gaillimhe nó thar a ceann.

13. Forálacha Forfheidhmiúcháin/Fógraí Íocaíochta Seasta.

- (a) Faoi réir mhír (b), aon duine a bheidh ciontach i sárú na bhfodhlíthe seo, dlífead pionós nach mó ná €2,500.
- (b) Ní bheidh feidhm ag mír (a) i gcás inar eisíodh fógra íocaíochta seasta de réir na Rialacháin um an Acht Rialtais Áitiúil (Fodhlíthe), 2001 agus go mbeidh íocaíocht iomlán déanta ag an duine faoi réir an fhógra sin.
- (c) I gcás go leanfar d'aon fhoráil de na fodhlíthe seo a shárú tar éis do dhuine a bheith faoi réir na fineála dá dtagraítear i mír (a), aon duine a bheidh ciontach i gcion a bhaineann leis an sárú leanúnach sin, dlífead pionós nach mó ná €500 a chur air nó uirthi in aghaidh gach lae a leanfaidh an sárú tar éis an chiontaithe sin.
- (d) Féadfar fógra íocaíochta seasta a eisiúint á cheangal ar dhuine a fhaightear gur sháraigh sé nó sí na fodhlíthe seo nó go bhfuil siad á sárú aige nó aici íocaíocht €75 a dhéanamh. Déanfar íocaíocht an fhógra sin laistigh de 21 lá ó dháta an fhógra chun ionchúiseamh an duine faoi réir an fhógra sin mar gheall ar na fodhlíthe seo a shárú a sheachaint.


Fodhlíthe Chomhairle Chontae na Gaillimhe Dramhall Teaghlaigh agus Tráchtála a Leithlisiú, a Stóráil agus a Thabhairt i Láthair, 2019

Arna ndéanamh agus arna nglacadh faoi Ghnáthshéala

CHOMHAIRLE CHONTAE NA GAILLIMHE

An 24th ú lá seo de Oct 2019

I láthair nuair a greamaíodh Gnáthshéala Chomhairle Chontae na Gaillimhe leis seo:-



An Comhairleoir Jimmy McClearn

CATHAOIRLEACH CHONTAE NA GAILLIMHE

